


EDISI JULAI-SEPTEMBER 2023

KUALITI



eISSN 2976-2596



9772976259003





Sambutan Hari KEMERDEKAAN


Disediakan oleh : Cik Fateen Ilani Kamarudin

*Memang Terbilang Sebuah Hikayat,
Kisah Dahulu Ramai Yang Suka,
Jalur Gemilang Semangat Rakyat,
Dikibar Selalu Tanda Merdeka.*

Sambutan hari kemerdekaan adalah sebagai tanda untuk meraikan pencapaian yang telah dikecapi oleh negara sejak laungan keramat kemerdekaan berkumandang di Stadium Merdeka pada tanggal 31 Ogos 1957. Memperingati hari kemerdekaan adalah penting sebagai tanda menghargai perjuangan tokoh-tokoh kemerdekaan terdahulu. Tanpa kebijaksanaan dan titik peluh yang dikerah oleh individu seperti Tuanku Abdul Rahman, kita pasti tidak akan menikmati kesenangan hidup pada hari ini.

Melalui sambutan hari kemerdekaan, kita dapat mengenali semula negarawan dan pahlawan yang telah berjasa kepada negara serta mendidik generasi muda masa kini akan pengorbanan yang telah mereka lakukan. Mungkin sukar untuk generasi masa kini untuk merasai pengorbanan tokoh terdahulu tetapi mereka boleh mengambil pengajaran dan mempraktikkan nilai-nilai murni yang menjadi teras kepada perjuangan menuntut kemerdekaan negara.





Tempat bersejarah seperti Tugu Negara dapat mendedahkan kepada generasi muda untuk memahami dan mempelajari sejarah sebelum mencapai kemerdekaan. Justeru, dengan mengenali dan memahami sejarah dan perjuangan tokoh terdahulu, kita akan berasa lebih bersyukur atas kemudahan yang kita nikmati hari ini dan menghargai segala usaha untuk mengharmonikan negara serta mendokong nilai kekitaan sebagai warganegara Malaysia.



Sambutan hari kemerdekaan adalah penting bagi menyemai nilai patriotisme dalam jiwa masyarakat konvensional hari ini. Kesibukan mengejar kerjaya dan leka dengan hiburan yang dibawakan oleh teknologi masa kini telah membuatkan rakyat Malaysia kurang menunjukkan semangat patriotik.

Selain itu, sambutan hari kemerdekaan di peringkat sekolah dan instansi pengajian juga penting kerana generasi muda adalah tonggak masa depan negara. Justeru itu InQKA turut tidak ketinggalan memeriahkan suasana menyambut Hari Kemerdekaan di perkarangan tempat kerja bagi menzahirkan semangat patriotik yang senantiasa membara.



KUALITI



HAK CIPTA DAN PENAFIAN

KUALITI adalah hak milik Institut Kualiti dan Pengembangan Ilmu (InQKA), Universiti Teknologi MARA (UiTM), Shah Alam, Selangor. Segala informasi adalah benar dan tepat semasa penerbitan. Tiada organisasi atau mana-mana pihak boleh menyalin atau menghasilkan semula kandungan dalam majalah atau mana-mana bahagian dalam penerbitan ini tanpa kebenaran bertulis daripada panel editor dan pengarang.

2023. KUALITI adalah hak milik Institut Kualiti dan Pengembangan Ilmu (InQKA), Universiti Teknologi MARA (UiTM) Shah Alam

ALAMAT:

Institut Kualiti dan Pengembangan Ilmu (InQKA),
 Aras 5, Blok A, Bangunan Akademik 2,
 Universiti Teknologi MARA, Jalan Ilmu 1/1,
 40450, Shah Alam,
 Selangor

eISSN 2976-2596

